

AŽURIRANE PREPORUKE ZA OTPUŠTANJE OSOBA IZ IZOLACIJE – COVID-19

(Juni 2020)

- Ako je osoba koja se nalazi u izolaciji laboratorijski pozitivna na SARS-CoV-2 i asimptomatska*, nakon 10 dana od pozitivnog testa smatra se zdravom i otpušta iz izolacije;
- Ako osoba koja se nalazi u izolaciji razvije simptome COVID-19 (bez obzira na težinu kliničke slike), smatra se zdravom najmanje 10 dana nakon pojave simptoma plus najmanje 3 dana bez simptoma* (npr. osoba koja je imala simptome 2 dana, smatra se zdravom nakon 13 dana od pojave simptoma – 10+3, osoba koja je imala simptome 14 dana smatra se zdravom 17 dana nakon pojave simptoma – 14+3);

Kod nekih pacijenata kašalj može biti prisutan duže vrijeme nakon prestanka zaraznosti pacijenta (što je karakteristično za virusne infekcije respiratornog trakta), kod ovakvih slučajeva može se upotrijebiti raniji kriteriji od dva uzastopna negativna RT-PCR testa na COVID-19 u razmaku od najmanje 24 sata za otpuštanje iz izolacije. Također, u pojedinim slučajevima treba uzeti u obzir i minimalni rizik od mogućeg prijenosa, kod osoba koje su u visokom riziku za prijenos ranjivim skupinama ili visoko-rizičnim situacijama ili okruženjima.

Preporuke za otpuštanje iz izolacije su izmijenjene u odnosu na prethodne, na osnovu preporuka WHO objavljenih 17.6.2020. godine (Criteria for releasing COVID-19 patients from isolation), koje su donesene na osnovu relevantnih znanstvenih saznanja o riziku od prijenosa COVID-19 i imunološkom stanju oboljelih. Također, u razmatranje je uzet i razvoj epidemiološke situacije u kojoj dolazi do raširenog prijenosa u zajednici i povećanih potreba za testiranjem.

* odsustvo simptoma bez upotrebe antipiretika

AŽURIRANE PREPORUKE ZA OTPUŠTANJE OSOBA IZ IZOLACIJE – COVID-19

(Novembar 2020)

- Ako je osoba koja se nalazi u izolaciji laboratorijski pozitivna na SARS-CoV-2 i asimptomatska*, nakon 10 dana od uzimanja uzorka smatra se zdravom i otpušta iz izolacije;
- Ako osoba koja se nalazi u izolaciji razvije blagu/umjerenu kliničku sliku COVID-19 smatra se zdravom najmanje 10 dana nakon pojave simptoma i najmanje 3 dana bez simptoma* (npr. osoba koja je imala simptome 2 dana, smatra se zdravom nakon 10 dana od pojave simptoma – 7+3). Osoba sa težom kliničkom slikom smatra se zdravom najmanje 10 dana nakon pojave simptoma plus najmanje 3 dana bez simptoma (npr. osoba koja je imala simptome 14 dana smatra se zdravom 17 dana nakon pojave simptoma – 14+3);

Kod nekih pacijenata kašalj može biti prisutan duže vrijeme nakon prestanka zaraznosti pacijenta (što je karakteristično za virusne infekcije respiratornog trakta), kod ovakvih slučajeva može se upotrijebiti raniji kriteriji od dva uzastopna negativna RT-PCR testa na COVID-19 u razmaku od najmanje 24 sata za otpuštanje iz izolacije. Također, u pojedinim slučajevima treba uzeti u obzir i minimalni rizik od mogućeg prijenosa, kod osoba koje su u visokom riziku za prijenos ranjivim skupinama ili visoko-rizičnim situacijama ili okruženjima, ili kod imunokompromitiranih pacijenata. Alternativa RT-PCR testiranju u ovim slučajevima je izolacija najmanje 20 dana nakon pojave simptoma i najmanje 3 dana bez simptoma.

Preporuke za otpuštanje iz izolacije su izmijenjene u odnosu na prethodne, na osnovu preporuka WHO objavljenih 17.6.2020. godine (Criteria for releasing COVID-19 patients from isolation) i smjernica ECDC objavljenih 15.10.2020 (Guidance for discharge and ending of isolation of people with COVID-19). Također, u razmatranje je uzet i razvoj epidemiološke situacije u kojoj dolazi do raširenog prijenosa u zajednici i povećanih potreba za testiranjem.

* odsustvo simptoma bez upotrebe antipiretika